



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 412
fax. +387 33 726 414
e – mail: info@voda.ba

Broj: **UP-1/21-1-40-010-8/23**
Datum: **13.03.2023. godine**

«Agencija za vodno područje rijeke Save» Sarajevo rješavajući po zahtjevu Grada Lukavac za izdavanje prethodne vodne saglasnosti za uređenje korita rijeke Spreče nizvodno od ušća Jale, na području općine Lukavac, na osnovu člana 109. stav (1) tačke 8. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 49/99 i 61/22), **donosi**

RJEŠENJE **o prethodnoj vodnoj saglasnosti**

1. Podnosiocu zahtjeva, Gradu Lukavac, daje se prethodna vodna saglasnost za uređenje korita rijeke Spreče koje uključuje i izgradnju objekata za zaštitu od velikih voda, na zemljištu označenom kao dio k.č. 4267, 4268/1, 4268/3, 4268/2, 4268/5 i 4270/1 K.O. Lukavac, na području općine Lukavac, u ukupnoj dužini cca 650m, a u postupku pribavljanja urbanističke saglasnosti.
2. Prethodna vodna saglasnost se daje na osnovu pregleda projektne i druge dokumentacije dostavljene od strane podnosioca zahtjeva i pod slijedećim uslovima:
 - 2.1 Izraditi i revidovati investiciono-tehničku dokumentaciju na nivou glavnog projekta koja treba da je urađena od strane ovlaštenog pravnog lica i revidovana od strane drugog pravnog lica, oba sa „liste A” Ministarstva za poljoprivredu, vodoprivredu i šumarstvo, u skladu sa odredbama Pravilnika o uvjetima i kriterijima koje mora ispunjavati pravno lice za izradu dokumentacije na osnovu koje se izdaju vodni akti („Službene novine Federacije BiH”, broj 17/08 i 38/12).
 - 2.2 Projektnom dokumentacijom treba da se obuhvati tehničko rješenje uređenja korita sa objektima za zaštitu od štetnog djelovanja voda na navedenoj dionici, kao dio integralnog rješenja zaštite od velikih voda rijeke Spreče na predmetnom području, a projekat između ostalog treba sadržavati:
 - Situativni prikaz, razmjere 1:1000 ili detaljnije, sa ucrtanom dionicom obuhvaćenom aktivnostima izgradnje zaštitnih objekata i uređenja korita rijeke Spreče na ažurnim geodetskim podlogama, uzdužnog i poprečnih profila riječnog korita urađenu na bazi geodetskih snimanja koja će se provesti za potrebe izrade ove projektne dokumentacije. Snimanje izvesti preko operativnog poligonog vlaka uz povezivanje sa državnim nivelmanom sa osiguranjem krajnjih tačaka poprečnih profila na terenu trajnim biljegama (uz položajni opis i nacrt), preko kojih će se vršiti kontrola realizacije ovih radova.
 - Rješenje uređenja korita i obala rijeke Spreče na predmetnoj dionici, a u cilju zaštite od poplava pri pojavi velikih voda ranga pojave 1/100 godine, sa potrebnim nadvišenjem;
 - Tehnički opis rješenja, uz obrazloženje rješenja i pojašnjenje efekata izgradnje zaštitnih objekata, predmjer radova i odgovarajuće grafičke priloge uobičajene za nivo projekta za građenje;
 - Proračun vučnih napona u cilju određivanja načina zaštite (oblaganja) obale, krupnoće kamenog nabačaja koji će se koristiti i sl.;
 - Hidrauličke i hidrološke proračune na predmetnoj dionici rijeke Spreče za određivanje nivoa velikih voda u prirodnom i regulisanom stanju za različite rangove pojave uključujući i usvojeni nivo zaštite od velikih voda;
 - U projektnoj dokumentaciji dati rješenja uvođenja zaobalnih voda i potoka koji se pojavljuju na ovom području, te broj, raspored i izgled stabilizacionih pragova, rampi i stepenica za pristup koritu i sl.;
 - Prilikom definiranja normalnih profila uvažiti i uslove koji se odnose prije svega na izgrađenost obale, morfologiju terena, razvojno - plansku dokumentaciju, već izgrađene objekte zaštite od poplava, geološki sastav obala i korita i sl.;
 - Zahvati uređenja korita moraju uvažiti postojeće imovinsko - pravne odnose i radove svesti u pojas kojim će se najmanje narušiti izgrađeni i planirani objekti (dalekovod, saobraćajna petlja, ojačanje stabilnosti taložnica Bijelo more), privatni posjedi i parcele;
 - Predmjerom radova utvrditi količine materijala (pijesak, šljunak) koje će se izvaditi prilikom izvođenja radova, a koji se može iskoristiti za radove na uređenju korita i obala rijeke Spreče, te materijala koji treba ukloniti (smeće, mulj, kruti otpad, pijesak, šljunak, šibljje i dr). Bilans masa uraditi na osnovu ažurnih geodetskih podloga;

- Zahvati uređenja korita trebaju se uklopiti u postojeći ambijent sa minimalnim narušavanjem prirodnog stanja koristeći u rješenju prirodne materijale;
 - Provesti stabilitetne analize nasipa i uređenih obala sa posebnim osvrtom na moguće nepovoljne uticaje izgrađenih objekata (taložnice „bijelo more“ i sl) i propisati način ugradnje (posteljica, oslanjanje, zatrpavanje, zbijanje, nosivost, spajanje, linijskih objekata);
 - Projektnom dokumentacijom sagledati sve moguće neželjene uticaje planiranog uređenja vodotoka i gradnje nasipa na izgrađene objekte i postrojenja, stečena prava korisnika, postojeću infrastrukturu, naselja i sl. te dati prijedlog mjera za uklanjanje odnosno sprečavanje tih uticaja;
 - Trebaju se uvažiti zahtjevi predstavnika lokalne jedinice samouprave u dijelu koji se odnosi na uklapanje u urbanističku i prostorno – plansku dokumentaciju;
 - Projektna dokumentacija treba da bude urađena na zakonski zahtijevanom nivou za ovu vrstu radova i sadrži sve opće i tehničke elemente propisane zakonodavstvom iz ove oblasti.
3. Materijal koji ima svoju upotrebnu i tržišnu vrijednost i koji se može dalje koristiti (pijesak, šljunak) koji će se pojaviti kod uređenja korita rijeke Spreče i čije će se količine utvrditi u predmjeru radova iz tačke 2.2. alineja 8 ovog dispozitiva, treba obuhvatiti Ugovorom u skladu sa odredbama člana 19. stav (2) i (3) Uredbe o načinu dodjele prava za vađenje materijala iz vodotoka («Službene novine Federacije BiH», broj 58/15).
4. Po izradi dokumentacije iz tačke 2.1. dispozitiva ovog Rješenja, nosilac prava iz prethodne vodne saglasnosti dužan je da ovoj Agenciji podnese zahtjev za izdavanje vodne saglasnosti. Zahtjev za izdavanje vodne saglasnosti dostavlja se u skladu sa članom 8. i 19. Pravilnika o sadržaju, obliku, uslovima, načinu izdavanja i čuvanja vodnih akata („Službene novine Federacije BiH“, broj 31/15, 55/19, 41/20 i 63/22).
- Uz zahtjev se, između ostalog, prilaže:
- Investiciono - tehnička dokumentacija zahtijevana tačkom 2.1. ovog Rješenja,
 - Rješenje o urbanističkoj saglasnosti i okolinskoj dozvoli (ukoliko predmetna aktivnost podliježe obavezi pribavljanja iste) za predmetnu dionicu uređenja rijeke,
 - Dokaz o riješenim imovinsko – pravnim odnosima,
 - Saglasnost udruženja sportskih ribolovaca na termine provođenja radova na predmetnom uređenju korita rijeke Spreče, u cilju obezbjeđenja proticajnog profila.
5. Ukoliko nakon izdavanja prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, u roku utvrđenom u članu 111. stav 3. Zakona, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavijestiti ovu Agenciju, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.
6. Ovu prethodnu vodnu saglasnost Podnosilac će koristiti u postupku dobijanja urbanističke saglasnosti i okolinske dozvole (ukoliko predmetna aktivnost podliježe obavezi pribavljanja iste) i ona definiše sve uslove koje projektna dokumentacija koja se podnosi u postupku dobivanja vodne saglasnosti i građevinske dozvole treba ispuniti sa aspekta voda u skladu sa Zakonom o vodama.
7. Prethodna vodna saglasnost se daje sa rokom važenja od tri (3) godine od dana pravosnažnosti ovog rješenja.

OBRAZLOŽENJE

Podnosioc zahtjeva, Grad Lukavac se dana 16.01.2023. godine aktom broj: 05/1-23-2-371/15 od 12.01.2023. godine obratila ovoj Agenciji za izdavanje prethodne vodne saglasnosti za izgradnju objekata za zaštitu od poplava na rijeci Spreče i uređenje korita rijeke, na zemljištu označenom kao dio k.č. 4267, 4268/1, 4268/3, 4268/2, 4268/5 i 4270/1 K.O. Lukavac, na području općine Lukavac, u ukupnoj dužini cca 650m, u cilju obezbjeđenja proticajnog profila, stabilizacije obala kao i zaštite od štetnog djelovanja velikih voda.

Uz zahtjev je dostavljena i pregledana slijedeća dokumentacija:

- Ovjerena kopija Statutarne Odluke o organizaciji Grada Lukavac broj: 01-02-1086/22 od 25.03.2022. godine, Gradsko vijeće, Grad Lukavac;
- Ovjerena kopija uvjerenja o poreznoj registraciji, izdatog 04.08.2022. godine od strane Porezne uprave Federacije - Kantonalnog poreznog ureda Tuzla;
- Ovjerena kopija Obavještenja o razvrstavanju pravnog lica prema djelatnosti broj: 07-32.5-10375/22 od 04.08.2022. godine, izdatog od strane Službe za statistiku za područje Tuzlanskog kantona;

- Ovjerene kopije Zemljišnoknjižnih izvadaka i parcela na predmetnom lokalitetu, za k.č. broj: 4267, 4268/1, 4268/3, 4268/2, 4268/5 i 4270/1 K.O. Lukavac, izdate od strane Zemljišnoknjižnog ureda Općinskog suda u Lukavcu;
- Ovjerene kopije posjedovnih listova broj: 330, 5052, 5058, 2867, izdate od strane Službe za urbanizaciju, imovinske i geodetske poslove, Grad Lukavac;
- Kopija katastarskog plana UR broj: 05-26-1-4498/2022-2 od 29.11.2022. godine, izdata od strane Službe za urbanizaciju, imovinske i geodetske poslove, Grad Lukavac;
- Mišljenje Službe za urbanizaciju, imovinske i geodetske poslove, Grad Lukavac broj: 05/1-23-2-371/15 od 01.02.2023. godine o usklađenosti planirane aktivnosti sa važećom prostornim planom Tuzlanskog kantona;
- Izvod iz prostornog plana Tuzlanskog kantona broj: 05/1-23-2-371/15 od 01.02.2023. godine, izdat od strane Službe za urbanizaciju, imovinske i geodetske poslove, Općina Lukavac;
- KOREKCIJA NOVELACIJE GLAVNOG PROJEKTA: „Uređenje korita rijeke Spreče u Lukavcu na potezu od izvedenog dijela do ušća Jale“ Faza 1 (dionica 1), urađen od strane Spreča d.d. Tuzla, decembar 2021. godine, (ev.broj: 2793/I-1 - dostavljeno iz biblioteke Agencije, na uvid);
- Dokaz o uplaćenju upravnoj taksi u iznosu od 80,00 KM.

Nakon izvršenog uvida u dostavljeni zahtjev i priloženu dokumentaciju utvrđeno je da uz zahtjev nisu dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari i zatražio dopunu podneska u skladu s članom 19. Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH, broj 31/15, 55/19, 41/20 i 63/22) dopisom broj: UP-1/21-1-40-010-2/23 od 18.01.2023. godine u kojem je zatraženo od podnosioca zahtjeva da isti upotpuni u roku od 10 (deset) dana od dana urednog prijema dostavljene obavijesti.

Dana 03.02.2023. godine, podnosioc zahtjeva je uz dopis broj: 05/1-23-2-371/15 od 01.02.2023. godine dostavio traženu dokumentaciju.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 124. stav (1) Zakona o vodama i člana 21. Pravilnika o sadržaju, obliku, uslovima, načinu izdavanja i čuvanja vodnih akata o zahtjevu je dana 10.02.2023. godine obaviještena javnost putem obavještenja na oglasnoj ploči «Agencije za vodno područje rijeke Save» Sarajevo i dana 11.02.2023. godine u dnevnom glasilu „OSLOBOĐENJE“. U datom roku nije bilo pisanih izjašnjenja o predloženim aktivnostima iz zahtjeva. Podnosilac zahtjeva je 10.03.2023. g. uplatio i posebne troškove shodno Zaključku ove Agencije broj: UP-1/21-3-40-010-7/23 od 22.02.2023. godine, nastale oglašavanjem u dnevnom listu „Oslobođenje“ (rn. br. 514-104000-1).

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na režim voda i prava na vode dodijeljena drugim korisnicima, podnosiocu zahtjeva su ovim vodnim aktom, u tački 2. dispozitiva rješenja, shodno odredbama Zakona o vodama i odredbama Pravilnika o sadržaju, obliku, uslovima, načinu izdavanja i čuvanja vodnih akata, propisani uslovi koje je dužan ispuniti prilikom izrade projektne dokumentacije koja će Investitoru biti potrebna u postupku pribavljanja vodne saglasnosti i odobrenja za građenje.

U provedenom postupku konstatovano je slijedeće:

- Aktivnost za koju je podnesen zahtjev za izdavanje prethodne vodne saglasnosti je regulacija rijeke Spreče i izgradnja objekata za zaštitu od poplava;
- Izgradnjom regulacije rijeke Spreče na predmetnoj dionici obezbjeđuje se proticajni profil koji može prihvatiti i propustiti velike vode, stabilizacija obala vodotoka i sprječava štetno djelovanje voda;
- Ukupna dužina planirane regulacije korita iznosi cca 650 m.
- Planirana regulacija je dio intergradnog rješenja regulacije rijeke Spreče na dužem potezu, a predmetna dionice se nastavlja na izgrađenu regulaciju.

Predmetna aktivnost obrađena je projektnom dokumentacijom: KOREKCIJA NOVELACIJE GLAVNOG PROJEKTA: „Uređenje korita rijeke Spreče u Lukavcu na potezu od izvedenog dijela do ušća Jale“ Faza 1 (dionica 1), urađen od strane Spreča d.d. Tuzla, decembar 2021. godine.

Na osnovu priložene tehničke dokumentacije utvrđeno je da se u svrhu poboljšanja hidromorfološkog stanja vodotoka, dinamike prirodnog procesa tečenja i smanjenja opasnosti od nastanka šteta od poplava i šteta nastalih erozionim procesima na obalama rijeke Spreče, na predmetnom lokalitetu, na osnovu člana 109. stav (1) tačka 8., a u vezi sa članom 111. Zakona o vodama («Službene novine FBiH», broj 70/06) i člana 17., stav (1), tačka 9. Pravilnika o sadržaju, obliku, uvjetima, načinu izdavanja i čuvanja vodnih akata, valjalo riješiti kao u dispozitivu ovog rješenja.

UPUTA O PRAVNOM LIJEKU:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja. Žalba se podnosi neposredno pismeno ili preporučeno putem pošte ovom organu i taksira se sa 15,0 KM administrativne takse, prema tarifnom broju 3. Tarife Federalnih administrativnih taksi.

Voditelj postupka

Nihad Pezo, dipl.inž.građ.

Prilog:

KOREKCIJA NOVELACIJE GLAVNOG PROJEKTA: „Uređenje korita rijeke Spreče u Lukavcu na potezu od izvedenog dijela do ušća Jale” Faza 1 (dionica 1), urađen od strane Spreča d.d. Tuzla, decembar 2021. godine, (ev.broj: 2793/I-1).

Po ovlaštenju
Rukovodilac sektora za izdavanje
vodnih akata

Haris Ališehović, dipl.inž.građ.

Dostaviti:

- GRAD LUKAVAC, Služba za urbanizaciju, imovinske i geodetske poslove
Trg Slobode bb. 75300 Lukavac;
- «Agencija za vodno područje rijeke Save», Sektor 30 (Prilog);
- AVP Sava, ISV-vodna knjiga – ovdje;
- ⊖ Arhiva – ovdje;
- AVP Sava – Oglasna ploča